



Rapport annual 2021

In marz 2020, cur chi d'eira ruot oura la pandemia, nu's vaiva pudü imaginar, quant lösch cha quella dürarà. Eir l'on 2021 ha la chaschunà diversas consequenzas per nos museum. Visitas cun gruppas nu d'eiran per gronda part pussiblas causa las restricziuns tras las ordinaziuns federalas. Per la paja vaina darcheu gnü in pitschen augmaint tras las visitas regularas. Las consequenzas d'eiran perquai supportablas.

L'andamaint da nos progets ed otras activitats es però gnü influenzà per bainquant, no vain stuvü spostar l'inauguraziun da la preschantaziun da l'istorgia da l'Engiadina Bassa sco part da noss'exposiziun permanenta per almain ün on, sco eir la restauraziun dal fresco „Anna Selbdritt“.

Displaschavelmaing vaina eir danovmaing stuvü desdir l'occurenza previssa „Plaz da filar“, l'occurenza accompagnanta „Rudolf Olgiate“ e la surdatta da passivas da dinaosaurs dal Piz S-chalambert ha eir stuvü gnir suspaisa.

Quai es il motiv cha'l 2021 d'eira per nos museum ün on sainza grondas activitats.

- **Exposiziun da stà:**

L'exposiziun cun fotografias in grond format dal fotograf Peter Ammon ha chattà grond'attenziun ed accoglientscha tant pro indigens sco pro giasts.

Reto Strimer ha retscherchà tuot las personas indigenas süllas fotografias da Peter Ammon ed Armon Parolini ha sünquai s-chaffi las legendas toccantas chi stan uossa pro las fotografias.

- **Preschantaziun da l'istorgia da l'Engiadina Bassa**

L'istoriker dr. Paul E. Grimm ed il manader dal servezzan archeologic chantunal dr. Thomas Reitmaier han elavurà inavant il cuntgnü per la preschantaziun da l'istorgia da l'Engiadina Bassa in fuorma per part analoga e per part digitala oura in chaminada. Causa corona ha la finischiun da quistas lavuors stuvü gnir spostada. Quai ha però eir gnü consequenzas positivas. Als 07 avrigl 2022 han tut in ögl Paul Grimm, Armon Parolini ed il president soluziuns persvadas per la preschantaziun interactiva da quist proget, quai a chaschun dad üna messa specialaà Berna per indrizz in museums CULTURA SUISSE.

- **Nouva pagina d'internet**

Armon Parolini ha elavurà insembel cun üna ditta specialisada üna nouva pagina, cun novas descripciuns e cun fotografias attractivas dal fotograf Dominik Täuber.

- **Fresco „Anna Selbdritt“**

Il restauratur Ivano Rampa vaiva previs da restaurar / conservar l'afrais-ch quist on, quistas lavuors han però eir stuvü gnir spostadas sülla prüma mità dal 2022

- **Inventarisaziun cheramica.**

Sar Heege da la fundaziun Ceramica.ch ha inventarisà tuot nos s-chazzis da cheramica. I's po tour invista in quist'inventarisaziun sülla pagina d'internet <https://ceramica-ch.ch>

Ingrazchamaint

Üna bell'incumbensa dal president es adüna da pudair ingrazchar, eir in nom da tuot la suprastanza. Eu less ingrazchar cordialmaing per l'ngaschamaint dals commembers da suprastanza Aita Dermont Stupan, Erica Bischoff, Armon Parolini e Reto Strimer, dals revisurs da quint Tina Bott e Jon Pitschen Janett, dals conservaturs Linard Marugg ed Erich Pfranger, da las survagliadras Tina Fried e Barbla Buchli.

Tuot nossas activitats nu füssan pussiblas sainza las contribuziuns finanzialas dal chantun, dals cumüns da Zernez, Scuol e Valsot ed eir da la Corporaziun Energia Engiadina. Eir ad els tocca ün cordial ingrazchamaint.

01.06.2022, il president: Peter Langenegger